

## Հ Ա Շ Վ Ե Տ Վ ՈՒ Թ Յ ՈՒ Ն

**ՀՀ ՊԵԿ զարգացման և վարչարարության ռազմավարական ծրագրերի վարչության եկամուտների գնահատման և վերլուծության բաժնի գլխավոր հարկային տեսուչ Գրիգոր Հակոբյանի՝ 2024 թվականի ապրիլի 21-ից մայիսի 4-ը Ավստրիական Հանրապետություն (ք. Վիեննա) գործուղման արդյունքների մասին**

### **1. Անունը, ազգանունը, զբաղեցրած պաշտոնը՝**

Գրիգոր Հակոբյան - ՀՀ ՊԵԿ Զարգացման և վարչարարության ռազմավարական ծրագրերի վարչության եկամուտների գնահատման և վերլուծության բաժնի գլխավոր հարկային տեսուչ

### **2. Գործուղման վայրը և ժամկետները՝**

Ավստրիայի Հանրապետություն, քաղաք Վիեննա, ապրիլի 21-ից մայիսի 4-ը

### **3. Հրավիրող կողմը՝**

Արժույթի միջազգային հիմնադրամի (IMF) Վիեննայի համատեղ ինստիտուտ (Joint Vienna Institute)

### **4. Գործուղման նպատակը (աշխատանքային ո՞ր խնդրի լուծման համար էր նախատեսված գործուղումը)՝**

«Հարկաբյուջետային շրջանակներ (Fiscal Frameworks)» թեմայով դասընթացի նպատակն է ներկայացնել, թե ինչպես կարելի է մշակել հարկաբյուջետային կանոնները, վերլուծել հարկաբյուջետային կատարողականը, նպաստել միջնաժամկետ բյուջեի ստեղծմանը, որը սահմանափակելու է ռեցեսիան՝ պահպանելով կայունությունը, օգտագործել տվյալները հարկաբյուջետային քաղաքականության գնահատման համար:

Դասընթացը միտված է մասնակիցներին ներկայացնելու հարկաբյուջետային քաղաքականությունը կառավարության հիմնական նպատակներին հասնելու համար՝ մակրոկայունության, արդարության և արդյունավետության և կայուն երկարաժամկետ աճի տեսանկյունից, ինչպես նաև գնահատելու հարկային և ծախսային քաղաքականության հիմնական տարրերը:

## 5. Քննարկված թեմաները՝

Դասընթացի ժամանակ քննարկվել են հետևյալ հարցերը՝

1) հարկաբյուջետային շրջանակների կարևորությունը.

Դասընթացի ընթացքում քննարկվել են հարկաբյուջետային քաղաքականության տվյալների որակը գնահատելու համար քննադատական մոտեցումները, հարկաբյուջետային կանոնների նախագծման աշխատանքները, հարկաբյուջետային կատարողականի համար տարեկան մոնիտորինգի գործիքի կիրառումը և միջնաժամկետ բյուջեի նախագծման հետ կապված հարցեր,

2) հարկաբյուջետային վերլուծություն.

Դասընթացի ընթացքում քննարկվել են թե ինչպես կարելի է հասկանալ պարտքի անվանական և շուկայական արժեքների տարբերությունները,

3) հարկաբյուջետային կայունություն և պետական պարտքի կառավարում.

Դասընթացի ընթացքում քննարկվել են հայեցակարգեր և գործիքներ դեֆիցիտի և պարտքի վերաբերյալ, պարտքի և դեֆիցիտի շեմերը և պարտքի կառավարման տարբեր ռազմավարություններ: Դասընթացի ընթացքում կատարվել են պարտքի հաջող կառավարմանը վերաբերող վարժություններ,

4) հարկաբյուջետային կանոններ.

Դասընթացի ընթացքում նկարագրվել են հարկաբյուջետային կանոնների նախագծման հիմնական տարրերը, ինչպես նաև քննարկվել են հարկաբյուջետային կանոնների գործնականում կիրառման վերաբերյալ հարցերը,

5) հարկաբյուջետային ռիսկերի բացահայտում և կառավարում.

Դասընթացի ընթացքում քննարկվել են թե ինչպես բացահայտել, վերլուծել և կառավարել հարկաբյուջետային ռիսկերը, ինչպես նաև պայմանական պարտավորությունների մի քանի օրինակներ,

6) հարկաբյուջետային թափանցիկություն.

Դասընթացի ընթացքում քննարկվել են հարկաբյուջետային թափանցիկությանը վերաբերող օրինակներ,

7) հարկաբյուջետային քաղաքականության փաթեթի կազմում.

Դասընթացի ընթացքում քննարկվել են հարկաբյուջետային քաղաքականության սահմանափակումները, հարկաբյուջետային ազդեցատների և տնտեսության հետադարձ կապերը:

#### **6. Հանդիպումները, ելույթները, բարձրացված կամ քննարկված հարցերը՝**

Դասընթացի ընթացքում կազմակերպել են խմբային քննարկումներ՝ առաջադրված խնդիրների լուծման նպատակով: Մասնակիցներին տրվել են առաջադրանքներ, որոնք հաջողությամբ հաղթահարվել են դասընթացի շրջանակներում ձեռք բերված գիտելիքների և փորձի հիման վրա:

Յուրաքանչյուր թեմայի վերաբերյալ իրականացվել են գործնական աշխատանքներ, մասնավորապես՝ վերլուծվել է Ռումինիայի, Սլովակիայի և Լեհաստանի մակրոտնտեսական վերջին զարգացումները, հարկաբյուջետային ռիսկերը և մարտահրավերները, ինչպես նաև վերոնշյալ երկրների համար ներկայացվել է հարկաբյուջետային քաղաքականության առաջարկություններ: Դասընթացի վերջում մասնակիցները բաժանվել են խմբերի, որոնց կողմից պատրաստվել են շնորհանդեսներ՝ Ռումինիայի, Սլովակիայի և Լեհաստանի հարկաբյուջետային շրջանակների վերաբերյալ:

Դասընթացից առաջ և հետո մասնակիցները հանձնել են քննական թեստեր, իսկ վերջում Արժույթի միջազգային հիմնադրամի կողմից տրվել են հավաստագրեր՝ «Հարկաբյուջետային շրջանակներ (Fiscal Frameworks)» թեմայով դասընթացը հաջողությամբ ավարտելու մասին:

#### **7. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը՝**

Դասընթացի սկզբում և ավարտին մասնակիցներին տրվել է ստուգում-հարցաթերթ, որի արդյունքներով տրվել է դասընթացին բարեհաջող մասնակցության վերաբերյալ հավաստագիր:

#### **8. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները**

Միջոցառմանը մասնակցությունը հնարավորություն ընձեռնեց ՊԵԿ ներկայացուցչին տեղեկատվություն ստանալ առաջատար երկրների հարկաբյուջետային փաթեթի կազման աշխատանքի վերաբերյալ, ինչը անհրաժեշտության դեպքում կարող է կիրառվել ՊԵԿ կողմից կատարվող համապատասխան գործառույթներում:

**9. Ստորագրությունը, ամսաթիվը**



07.05.2024 թ.